

Image not found

<https://lirica.medievale.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)


Home > MARCABRU > EDIZIONE > Bel m'es quan son li frug madur > Tradizione manoscritta > CANZONIERE A > Edizione diplomatica

Edizione diplomatica

[c. 34rA]

Image not found

<https://letteraturaeuropea.let.uniroma1.it/sites/default/files/34rA.jpg>



Marcabrun

? **B**EI mes qan son lifruich madur. Ere
uerdeion ligaim. Elauzeill p(er)lote(m)ps
escur. Baisson delor uotz lo refrim. Ta(n)t
redohton la tenebror. E mos coratges se
nanssa. Qieu chant p(er)ioi defin amor.
Euei mabon esp(er)anssa.

F als amic amator tafur. Baisson amor e
leuol crim. Enous cuidetz camors peiur.
Catrestant ual cum fetz alprim. Totzte(m)ps
? fon defina color. Et ancse duna semblan-
? sa. Nuills hom non sap desa ualor. La fin
nila comenssansa.

Q uis uol si creza fol a gur. Sol dieus mi
gart dereuolim. Qen aital amor ma-
uentur. On nona engan ni refrim. Qe
stiu (et) inuern epascor. Estau engrand
alegranssa. Et estaria en maior. Abun
pauc deseguranssa.

I a non creirai qui que moiur. Que uis
non iesca derazim. Et hom p(er)amor no
meillur. Canc un peiurar non auzim.
qieuaill lomais p(er)la meillor. Emp(er)o si
nai doptanssa. Q(ue)u nom naus uanar de
paor. Deso don ai mesp(er)anssa.

G reu er ia q(ue) fols desnatur. Et afolleiar
? non relin. Efolla q(ue)nois desmesur. Emals
albres demal noirim. Demala brancha

image not found

<https://letteraturaeuropea.let.uniroma1.it/sites/default/files/34rB.jpg>

[c. 34rB]

? mala flor. Efruitz demala pesanssa. Reuert amal outral peior. Lai on iois non a sobranssa.

D elamistat destrain atur. Falsa del lignatge caim. Q(ue)met los sieus amal ahur. Car non tem anta niblastim. Los trai damar ab sa doussor. Met lofol en taleranssa. Que non remanria ab lor. Quil donaua tota franssa.

- letto 2698 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-225>